

«Շիրակացու ճեմարան»
միջազգային գիտակրթական համալիր

ՀԱՆՐԱՊԵՏԱԿԱՆ ՀԱՆՐԱԿՐԹԱԿԱՆ ԲԱՑ ՕԼԻՄՊԻԱԴԱ
2025-2026

Պատմություն (7-րդ դասարան)



Անուն Հայրանուն Ազգանուն _____

Դպրոց _____

Դասարան _____ Խումբ _____

1. Ո՞ր թվականին է Հայաստանը երկրորդ անգամ բաժանվել Սասանյան Պարսկաստանի և Բյուզանդիայի միջև: (0,25)

ա) 387թ. բ) 428թ. գ) 378թ. դ) 591թ.

2. Ի՞նչ է նշանակում ֆեոդ: (0,25)

ա) քաղաք բ) ամրոց գ) հող դ) հարկ

3. Ե՞րբ են Հին Հունաստանում տեղի ունեցել առաջին օլիմպիական խաղերը: (0,25)

ա) Ք.ա. 776թ. բ) Ք.ա. 331թ. գ) Ք.ա. 490թ. դ) Ք.ա. 753թ.

4. Ի՞նչ են անվանում «պերզամենտը» հայերեն: (0,25) _____

5. Ե՞րբ է տեղի ունեցել պարթևա-հռոմեական տասնամյա պատերազմը: (0,25)

ա) 52-62թթ. բ) 54-64թթ. գ) 64-74թթ. դ) 62-72թթ.

6. Ո՞ր երկրի վարչական միավորի անունն էր *նուս*: (0,25)

ա) Ասորեստան բ) Բաբելոն գ) Եգիպտոս դ) Ուրարտու



MEMBER



7. Ի՞նչ է նշանակում ալիքի: (0,25)

- ա) անհերքելի ապացույց բ) փաստ գ) դեպք դ) իրավիճակ

8. Ո՞վ է Բեհիսթունյան եռալեզու արձանագրության հեղինակը: (0,25)

- ա) Դարեհ Երրորդ բ) Դարեհ Առաջին գ) Կյուրոս Մեծ դ) Քսերքսես

9. Ո՞ր քաղաքի մասին է խոսքը, ո՞ր հայոց արքայի օրոք է հռչակվել մայրաքաղաք, և ե՞րբ է հռչակվել մայրաքաղաք: (1,0)

- Այն անվանում էին «հազար ու մեկ եկեղեցիների քաղաք»:
 - Այդ քաղաքը մայրաքաղաք դարձավ Բագրատունիների օրոք:
 - Գտնվում է Ախուրյան գետի ափին:
-

10. Խաչակրաց ո՞ր արշավանքի մասին է խոսքը, ո՞ր քաղաքը պետք է «ազատագրվեր» մուսուլմանների ձեռքից, ե՞րբ է այն տեղի ունեցել: Նշիր նաև բացակա արքայի անունը: (1,0)


- Մասնակցում էին երեք արքաներ՝ Ֆրանսիայի թագավոր Ֆիլիպ Երկրորդը, Անգլիայի թագավոր Ռիչարդ Առաջին Առյուծասիրտը և _____ը:
 - Արշավանքը հենց սկզբից անհաջող ընթացք ունեցավ:
 - Արշավանքից հետո քրիստոնյաներին թույլատրվեց անարգել այցելել սուրբ վայրեր:
-

11. Ո՞ր պատերազմի մասին է խոսքը, ո՞ր պետությունների միջև է այն ընթացել, ո՞ր թվականներին է այն տեղի ունեցել: Նշիր հայտնի անհատի անուն, ում գործունեությամբ պարտվող կողմը անցավ հակահարձակման և ունեցավ հաջողություններ: (1,0)

- Պատերազմը երկարատև էր:
 - Հայտնի ճակատամարտերից էր Ազենկուրի ճակատամարտը:
 - Կարևոր նշանակություն ունեցավ Օռլեան քաղաքի ազատագրումը:
-

12. Ճանաչիր նկարը. (2,0)

- ա. Ո՞ր տաճարն է պատկերված նկարում:
- բ. Հայաստանում հայտնի ո՞ր տաճարին էս նմանեցնում:
- գ. Ո՞ր թագավորության հոգևոր կենտրոնն է եղել:
- դ. Ո՞ր աստծուն է նվիրված եղել:



13. Ճանաչիր նկարը. (2,0)

- ա. Ո՞ր քաղաքի խորհրդանիշն է:
- բ. Ե՞րբ է այդ քաղաքը հիմնադրվել:
- գ. Ո՞վ է եղել առաջին թագավորը:
- դ. Ո՞ր գետի ափին է քաղաքը հիմնադրվել:



14. Աշխատանք սկզբնաղբյուրի հետ: Կարող ես հարցին պատասխանել նաև շարադրելով: (2,0)

«Տներն այստեղ գետնափոր էին, մուտքը ինչպես ջրհորի բերան, իսկ ներքևի մասն ընդարձակ: Մինչդեռ անասունների համար մուտքը փորված էր [հողի մեջ], մարդիկ ցած էին իջնում աստիճաններով: Տներում կային այծեր, ոչխարներ, եզներ, հավեր և սրանց ձագերը: Բոլոր անասունները ներսում կերակրվում էին խոտով: Այնտեղ կար նաև ցորեն և գարի և ընդեղեն և կրատերների մեջ գարուց պատրաստած գինի, որի երեսին լողում էին գարու հատիկներ. կրատերների մեջ կային նաև եղեգներ՝ մեծ ու փոքր, առանց ծնկի: Ծարավելու դեպքում մարդ պետք է այդ եղեգի ծայրը բերանին դներ ու ծծեր: Եվ այն շատ թունդ էր, եթե ջուր չխառնեին, իսկ սովոր մարդու համար շատ ախորժելի ըմպելիք էր»:

1. Ո՞վ է սկզբնաղբյուրի հեղինակը:
2. Ո՞ր ժամանակաշրջանին է վերաբերում սկզբնաղբյուրը:
3. Հայաստանը ո՞ր պետության տիրապետության տակ էր գտնվում այդ ընթացքում:
4. Ի՞նչ վարչատարածքային միավորներից էր կազմված այդ պետությունը:

15. Աշխատանք սկզբնաղբյուրի հետ: Կարող ես հարցին պատասխանել նաև շարադրելով: (2,0)

«Պատմում են, թե կարթագենացի Հաննիբալը հռոմեացիներից Անտիոքոսի կրած վերջնական պարտությունից հետո գնաց հայ ----- մոտ և հրահանգիչ ու խորհրդատու դարձավ նրան օգտավետ ձեռնարկներում: Բացի դրանից, նկատելով երկրում չօգտագործված և անտեսված հարմարագույն և խիստ հաճելի մի վայր՝ նա այդ տեղում ուրվագծեց քաղաքի հատակագիծ: Հաննիբալը այնտեղ տարավ -----ին և ցույց տալով տեղանքը՝ համոզեց նրան այդ վայրում քաղաք հիմնել: [...] Այսպիսով՝ կառուցվեց մեծ և շատ գեղեցիկ քաղաք, որը կոչվեց թագավորի անունով և հռչակվեց Հայաստանի մայրաքաղաք»:

1. Հայոց ո՞ր արքայի մոտ ապաստան գտավ կարթագենցի զորավար Հաննիբալը:
2. Ո՞ր քաղաքի հիմնադրման մասին է սկզբնաղբյուրը:
3. Նաև ի՞նչ անունով է հայտնի այդ քաղաքը:
4. Կարո՞ղ ես նշել, թե ո՞ր գետի ափին էր նոր քաղաք կառուցելու համար «խիստ հաճելի մի վայր»-ը:

16. Լրացրո՛ւ հայոց արքաների մասին աղյուսակը: (2,0)

Արքայի անուն	տիտղոս	կառավարման տարեթվեր	Նշիր երկու կարևոր իրադարձություն, որոնք կապված են տվյալ արքայի հետ
Տրդատ Երրորդ			
Խոսրով Երրորդ			
Արտաշես Առաջին			
Տիգրան Երկրորդ			

Սևագրություն